

Stichting Vastelaoves Evenementen Thoeear presenteert:

# 34<sup>e</sup> finale in Thoeear

Limburgs  
Vastelaovesleedjes  
Konkoer



Vriedig 5 fibberwari 2010 • Starlifthallen Thoeear

Wae bedanke oos sjponzers:



**Rabobank**  
maas en leudal



# LVK-FINALE

## LIMBURGS VASTELAOVESLEEDJES KONKOER 2010

VRIEDIG 5 FEBRUARIE 2010  
THOEAR

PRISSENTASIE: HENK HOVER

SAMENSJTELLING:  
ONTWERP & OPMAAK:  
DRÖK:

JOS CREMERS, STICHTING LVK  
RICO MEIJERS & FRANK CRAEMERS  
VAN DER LINDEN DRÖK GELAEN



## Het Limburgse volkslied "Limburg mijn Vaderland"

Waar in 't bronsgroen eikenhout  
't nachtegaaltje zingt;  
Over 't malse korenveld  
't lied des leeuweriks klinkt  
Waar de hoorn des herders schalt  
langs der beekjes boord

refrein

Daar is mijn Vaderland  
Limburgs dierbaar oord!  
Daar is mijn Vaderland  
Limburgs dierbaar oord!

Waar de brede stroom der Maas  
statig zeewaarts vloeit  
Weeldrig sappig veldgewas  
kost'lijk groeit en bloeit  
Bloemenggaard en beemd en bos  
overheerlijk gloort

Waar der vaad'ren schone taal  
klinkt met held're kracht  
Waar men kloek en fier van aard  
vreemde praal veracht  
Eigen zeden, eigen schoon  
't hart des volks bekoort

Waar aan 't oud Oranjehuis  
't volk blijft hou en trouw  
Met ons roemrijk Nederland  
één in vreugd en rouw  
Trouw aan plicht en trouw aan Geus  
heerst van Zuid tot Noord



Maud Wilms

## Veurwoord Veurzitter Sjtichting LVK

In 1977 is het allemaal begonne. Det beteikende veurig jaor ein jubileum van 3 kier 11 Vastelaovesleedjes Konkoersen. 33 dus: 'Ni mier en ni minder'. En laot nao net ein leedje met dae titel auch nog gewonnen hebben! Het waas ein geweldig evenement op 6 fibberwari in de 'Waeldsjtad'. Ein finale um neet te vergaete.

Veur die letste finale kooste wae nog neet keeze welke winnaar van die 33 os het beste is bei gebleeven. Det hebben wae j.l. november wel gedaon, op de 11e van de 11e op het Vriethoof in Mestreech. De beste drei leedjes waare prachtig verdeild euver de provincie: Op drei 'Jozefien' oet Venlo, op twee 'Det zit bei os in de familie' oet Lommerig en als ierste ut allerierste leedje oet 1977: 'Vaan Eysde tot de Mokerhei'.

Het kan toch neet toevallig zeen det het leedje mit de langste LVK geschiedenis nog zoe vers in het geheugen van vastelaovesminnend Limburg likt.

Mer het LVK schriefft idder jaor wer neije geschiedenis. En det gaon wae vandaag op 5 fibberwari in Thoeaar wer doon. Wae zeen in december begonnen met 260 inzendingen. 18 mier dan het veurig jaor. Drei halve finaleronden op de radio en veul bonnen later hebben 19 finalisten opgeleverd. Die staon klaor en druimen van waat koomen geit. Het is ze allemaal van harte gegund.

Zo as wae de organisatie van de deze finale auch gaer gegund hebben aan de

c.v. De Geitebuk oet Thoeaar. Ze hebben kosten nog meuijte gespaard um der ein geweldig festijn van te gaon maaken. Bei veurbaat dank ich heur veur al het werk det met al die vriewilligers is verzet um op deze finale 19 'stars' in dees hal 'n onvergaetelikke 'lift' te gaeve. Het 'Witte stedje' kleurt vandaag roed, geel en greun.

As LVK besjtuur zien wae natuurliek auch dank versjuldigd aan al die leden van de hoofd- en regiojury's, bonnentellers en neet te vergaete aan al die medewerkers van LI die het meugelik maken dat de ganse provincie via de radio en de televisie kinne met geneete van de parel van de Limburgse vastelaovend. Landelijke programma's kinne jaloers zien op de geweldige kiek- en loestercieffers die de LVK-finale idder jaor wer lut zeen.

Mer gae kint der vanaovund zelf bei zien. Gae kint het van dichbei mit gaon maake. Ich wins uch eine fantastische finale aovund toe en alle artiesten hiel erg veul succes.

Het spel steit wer oppe wagen, wae zien der klaor veur.....en wae houwe wer oppe kist umdet der wer veur de 34e kier ein LVK finale is.



Joep Verbugt  
Veurzitter LVK



## **Veurwoord**

### **Vuerzitter Sjtichting Vastelaovesevenementen Thoeaar**

Vrunj van 't LVK,

Et waas ein hieel belangriek telefoontje dat ich kreeg op eine vriedigaovendj um half elf. De kogel waas door de kirk. Stichting Vastelaovesevenementen Thoeaar en vastelaovesvereniging "De Geitebuk" kregen de organisatie van het LVK 2010 geguntj. De haor op mien erm gingen rechtop staon en ich kos nog mer net mien traone tiegehaoje van gelok.

Waat dit beteikendj vuer Thoeaar en de gemeindje Maasgouw werdje al flot dudelik. Et ging rundj es ein loupendj veurke en de telefoon stung roadgloeijendj.

Ein organisatie van jewelste. Samen met de sjtichting LVK en LI hobbe we met oze sjtuurgroep de sjouwers der fink unger gestoake en ich bun der den auch heilig van uevertuugdj det wea der samen met 275 ungeloaflik entoesiaste vriewilligers die zich in no time haaje opgegeave eine aovendj aan vastelaovesvierendj limburg zulle presentere dae ziene weerga neet kentj. 't Witte stedje zal op 5 en 6 februari et middelpuntj zeen van Limburg es 19 finalisten met heur componiste, tekstschrievers en aanhang nao Thoeaar kumme um heur leedje te laote knalle. Vastelaovesvierders oet alle heuk van oos provincie trekke nao et topografische centrum Thoeaar (bie wiese van spreake). Van deze kantj oet wins ich den auch eederein hieel veel succes in de sjried um dea felbegeerdje winnarsbokaal benne te haole.

Zoes ger zeentj hobbe wea eemes gevunje dae ein fantastisch schaon logo heat untwurpe. Sjprakeloss woare we toen et gepresenteerdj werdje. Michael Cromptvoets, miene buurjung, heat zichzelf euvertruffe met dit ontwerp. Michael, proficiat, met dit noe al legendarische logo.

LI zal op 5 fibberwarie live loate zeen waat we de leste moandje gepresteerdje hobbe. Veel dank geit oet nao oos sponsore en uiteraard auch nao de gemendje Maasgouw die us al dae tied heat biegestange en der mede veur gezorgtj heat det we dit geweldig evenement nao Thoeaar hobbe kenne haole. Ungeveier 4000 minse sjtruime dalik benne in 't umgetoverdje complex aan de meers in Thoeaar; we hobbe niks aan et toeval euvergelooate en de 19 finalisten zullen geneten van ein geweldige ambiance en ein laaiendj entoesiast publiek.

Toet slot wins ich alle vrunj van et LVK ein hiel sjaon fieest toe en wil ich nogmaals eederein bedanken dae zich et letste jaar haet ingezatte um deze veur Thoeaar en vooral veur de Sjtichting Vastelaovesevenementen Thoeaar en vastelaovesvereniging "De Geitebuk" uitermate belangrieke aovendj toet sjtandj te bringe.

Ich wins de 19 finalisten hieel veel succes, alaaf.

Guus Verheiden

Veurzitter van de Sjtichting  
Vastelaovesevenementen Thoeaar.



### **STICHTING LVK**

't besjuur beschjiet oet (op de foto van links nao rechts):

Stan Spauwen • (Oud Bestuurslid) Bert Achten • Ron Aspers  
Hilde Bremmers • John Habets • Erik Brouns • Joep Verbugt  
Elise van Wordragen • Jan Volleberg • Jos Cremers

Postbus 1625 • 6201 BP Maastricht  
info@stichtinglvk.nl • www.stichtinglvk.nl  
KvK nr. 41071309 • Bankrek. 17.05.28.111



## Leef Vastelaovesvrunj,

Eeder jaor es Vastelaovendj weer in aantocht is, staon t'r versjillende evenementen op de agenda woea wae òs es Limburgers op verheugen. Ein van die evenementen is 't LVK. Zoea ròndj de elfdje van de elfdje begintj 't te kriebelen; de iërste leedjes waere bekindj en wae bedinke al welk leedje mètkan es DE SJLAGER. Es de wòrd "Limburgs Vastelaovesleedjes Konkòer" vallen, klinktj det es meziek in òs oere. Eederjaor bringtj 't LVK weer eine houp plezeer en gezelligheid mèt zich mèt, woeadoor t'r eine kamerbreije lach op alle gezichte òntsteit.

Ich bèn t'r den auch gruets op, det de finale van 't LVK deze kiër mètgeorganiseerdj wuerdj door V.V. De Geitebuk en plaats zal vinje in ein van òs prachtige kernen, Thoeat. Ein unicum, want 't is vuer de iërste kiër in de historie van het LVK, det de finale in dees cultuurhistorische kern plaatsvindj. Niks is aan 't toeval ueverge-laote òm t'r vuer te zörge det de eindstrijd, net wiej de vuergaondje jaore, ein waar spektakel wuerdj. Det kense waal aan De Geitebuk ueverlaote.

Ich wins alle finalisten vól succes in deze kolkendje arena. Ich verheug mich op ein sjitterendje finale.

De Geitebuk höbbe in eeder geval hun stinkendje bèst gedaon òm alle Limburgers te besmetten mèt de LVK-koorts.

Vastelaovendj saame!

**Ger Kockelkorn**

Burgemeister Maasgouw



## Ut is toch wat !!!!

De titel van ein van òs niej liedjes. En ut is zeker wât. Miene leeven hemel, eine kiër winne allè, det kin nag wal, mar twië kier, det gluijsse toch ni.

Wat en superspannende ontkeuping, tot op de letste puntetelling waas ut ni zeker wae det d'r ging winne en dan get de trein laupe.

Wat en fiës um zo'n vastenaovesfiës as ut LVK te meuge winne.

Ut leefste wille wee det met zovuul meugelik minse deile en haope det en bietje te kinne doon door zovuul meugelik door de ganse provincie op te traeje, met netuurlik as enthousiaste lekker kom thoeshave en werm bad, òs eige Plaggeriëk Grubbenvorst.

En de kums ok werkelijk eueval. Ut is geweldig um te zeen wie in elke plaats enthousiaste vastenaovesminse op eur eige wieze en geweldige prestatie neerzette wao wee os beejdrage aan meuge levere, neem now bv; De buutekampioenschappen in de Oranjerie, zinge in ut Theater, hiel apart, sfeervol en enne lekkere klik met ut publiek; Ontvangst op ut provinciehoës beej de os ni onbekende hier Frissen.

En klein kefeeke in Sittard, 100 minse, en eige VIP ruimte die we netuurlik geliek deilde met de joekskepel, de vinsterbank is de bühne, mar ok op ut kanon van ut balkon, prachtig; Stagediving in Schinnen (jaowal alle dreej opgevange!!); Eupene op en trillend Vriethof in Maastricht; al vur de derde kier nao Genneep, seniore-zitting wao idderein knats good verkleid is en ze alle liedjes meizinge; Hiërezitting in Belfeld, met enne gastmuzikant dae os

финал оет де маот хавуде; оп де миддестип зинге бееј VVV wao де CD еувурслоог еп ве бинне 1 минуут оетгезонге вааре: де ladiesnight in enne ремундсе биоскооп: in èн коетс in оззе еиге Гекке моандигс оптох: нао хоес гаон мет тассе вол мет еир еп Баолдерсе коок (ерг lekker trouwes); зинге мет де бубс оп еп туинфиëсје in Meijel еп zonder eemus te kort te wille доон, зоë кинне ве nag wal eine дааг доаргаон мет verhaole.....

Elk optraeje zien eige charme en gezelligheid en feest.

Mar ut моëје is desse dan ôk merks wie ein Limburg eigelik is. En dao geit ut toch ôk um.

Same vastenaovend viere, idder op zien menier mar met die gezamelikke Limburgse trots.

En det zien wee zeker. Grûûts, ontzettend grûûts det geej os dit allemaol mei lut make.

Enne gooien vastenaovend gewins

## De Toddezèk.



# De Knalboempaaf-knetterretteketetalaaf

**Gezônge door:** WIM EN LOE  
**Plaats :** Stein  
**Teks :** Loe Hameleers  
**Componis:** Loe Hameleers

**Refrein**

Dao klinkt de  
 knal-boem-paaf-knetter-retteketet-alaaf,  
 dae greujt op miene ruk.  
 En miene knal-boem-paaf-knetter-retteketet-alaaf,  
 kumt eeder jaor weer truk.  
 Dan is er grwaoter en gêt sjwaonder,  
 en trukt de vastelaovend mit mich mit.  
 Mêr is de carnaval veurbie,  
 en klinkt de lêste Alaaf,  
 vilt miene knal-boem-paaf-knetter-retteketet-deraaf.  
 Knal-boem-paaf-knetter-retteketet-deraaf.

**Couplet**

Óbbéns is 't begonne,  
 ich waor pas 11 jaor.  
 Ein trom is dróét gekómme,  
 ze waor gaaróéts neet zwaor.  
 Drie daag hōb ich gesprōnge,  
 die trom op miene rōk,  
 en eedere vastelaovend,  
 dan kumt die trom weer truk!  
 La-la-la-la-la-la-la-la

En eedere vastelaovend,  
 dan kumt weer gêt debie.  
 En noe hōb ich mien eige zaate hermenie.  
 Ich hoof niks mit te sleipe,  
 Jao, dat is mien gelōk.  
 Want alle instremēnte  
 die greuje op de rōk.  
 La-la-la-la-la-la-la-la



## 2 Vastelaovend maag get langer dore

**Gezônge door:** TUUR EN ROGER VAAN ZIZI KWE KWE  
**Plaats :** Maastricht  
**Teks :** Roger Schleipen  
**Componis:** Renaldo Fraiquin

**Refrein**

Vastelaovend maag get langer dore,  
 Want vaan de veur en ouch de nao hōb iech nog zin.  
 Vastelaovend dat maag get langer dore,  
 Want drei daog fieste is miech eigelik nog vāöl te min.  
 Vastelaovend maag get langer dore,  
 Gein drei daog, doeg mer èlfhoonderd ore.  
 Gewoen drei daog vin iech get wieneg,  
 Had iech de kōös, veur miech moch 't veur ieweg.

**Couplet**

Asgoonsdag val iech in e look,  
 Zeen mie jèske en 'n gans begaajde brook.  
 Iech sjaggerneer miech tot 't weer is gedoon,  
 Iech had nog zeker eve wijer kinne goon.  
 Dink trōk en bin noe in gedachte,  
 Nog ein jaor moot iech wachte.  
 Bin weer thoes, veult es 'n straof.  
 MIELJAAR KOM OP ! tēl de daog weer aof.



### 3 Veer veule ôs good!

**Gezônge door:** KARTOESJ  
**Plaats :** Guttecoven  
**Teks :** Guus Steinen  
**Componis:** Guus Steinen

**Refrein**

Veer veule ôs good  
(Veer veule ôs good!!)  
Veer veule ôs prima  
't Geit ôm 't plezeer,  
( 't Geit ôm 't plezeer!!)  
't Kump neet op geldj en tied aan  
Wae van 't gooje laeve hilt  
is dao es d'r get te viere vilt  
lekker geneete!!  
Aan de res dao hōbbe ver sjiet aan!

**Couplet**

Pak vastelaovend of egaal welk moment  
Veer feeste get aaf, dat is alom bekènd  
Door ôs broewerieje altied 'n vol glaas  
De sjoonste taal klink aan waerszie van de Maas  
De sjoonste taal klink aan waerszie van de Maas

Ôs limburgse leedjes die kènt jederein  
Ôs jōnges en maedjes die hawte van ein  
De limburgse geis dae maak alles kompleet  
Ja, zègk 't noe zelf, waat hōb ver hie neet?  
Ja, zègk 't noe zelf, waat hōb ver hie neet?

't Graas is hie greuner, de lôch haet mië blaw  
De luuj zin geweuner, en niks môt gaw-gaw  
Hie hōbbe ver alles, ja neum 't mer op ...  
Sjenk ..., woosj... en get goods ônger de sjtop

### 4 Noe mōs 'te kieke

**Gezônge door:** 'T MAOG GEINE NAAM HÖBBE  
**Plaats :** Meerssen  
**Teks :** Eric Reck, Charel Jeuken  
**Componis:** Eric Reck, Leon Eikenboom, Luc Volders, Charel Jeuken

**Refrein**

Noe mōs'te kieke,  
noe mōs'te kieke,  
whâ kin'ste dat noe mét verglieke?  
Jao eederein dae geit weer lekker oet zien daak,  
de baer dae is weer los, hie weurt de kachel aangemaak.  
Jao zelléfs opa Harie zit boordevol mét fut,  
hie weurt 'm'ne awwerwétse op die lamp gesjūt.  
Noe mōs'te kieke,  
noe zuug toch dao,  
dit is toch ech de sjwan'ste tied van gans 't jaor.

**Couplet**

Ut waar vlak nao de optoch, de kaffees boemevol.  
De ganse sjtoet leep binne, wat hawwe v'r 'n lol.  
Dao bove op de wage, ziene hwāglöstigheid.  
Dae keek nao zien prinseske, dat zwāh gét ech besjteit.

Hie hōb ich altied van gedruimp, méh dit moment is ech.  
Jao wat d'r aoch gebäöre zal, ich wil hie nwāts mjéh weg.

Op vastelaovesdeensdig, v'r waore weer debie.  
V'r zoonge alle leedsjes, hoonderd-elléf op 'n rie.  
De wiezers van de kerrékklok, die deege trouw hun plich.  
Veur dats't in de gate haws, de jherring kaom in zich.

Ich baen zwāh trots es Limburger, en ein deenk mein ich ech:  
Jao wat d'r aoch gebäöre zal, ich gaon hie nwāts mjéh weg.



## 5 Zoalang de rikketik tik

**Gezônge door:** 4 OP 'N RIEJ  
**Plaats :** Urmond  
**Teks :** Herman Geenen  
**Componis:** Jean Janssen

**Refrein**

Zoalang de bein mich blieve drage,  
aaoao, dan blief ich gaon.  
Zoalang de prinse patsje drage,  
aaoao, dan blief ich gaon.  
Zoalang mien mechel neet geit klage,  
jao-jao-jao, dan blief ich gaon.  
Zoalang 't geit, zoalang 't geit,  
en miene rikketik nog sjleit.  
Zoalang 't geit, geit, geit,  
zoalang 't geit,  
en miene rikketikketikketik nog sjleit.

En miene rikketikketikketikke,  
rikketikketikketikke,  
rikketikketikketik nog sjleit.

**Couplet**

De prins wurt oetgerope,  
dao mòt ich haer allich,  
en auch de mansluujzitting  
begint neet zònger mich.  
't Boere-, moere-, joekse-,  
of 't auw-wiever-bal,  
es ich 'ns neet d'r bieje bèn,  
't wurt gein karneval.  
Mer de vraog diej blif bestaon,  
wiejlang blief ich nog gaon?

Bleus urges in de straote  
'n zate hermeniej,  
al sipele ze twieë maote,  
ich bèn van de pertiej.  
Al ligk ich sjnachs te slaope  
en huëur 'n trumke sjlaon,  
dan roop ich oet mien vinster:  
"Hej, kènne v'r weer gaon!"  
Ao ich höb nog zoanen drang,  
wiejlang, wiejlang, wiejlang?

## 6 Jao, waat duisse dan?

**Gezônge door:** PETER JANSEN, WIM JANSSEN  
**Plaats :** Venlo  
**Teks :** Peter Jansen  
**Componis:** Wim Janssen

**Refrein**

As 't moeiste op dees aerd,  
Dich wuurd aangeprissenteed,  
Jao, waat duisse dan, jao, waat duisse dan?  
Laote gaon de's iëwig zund  
As 't dich toch wuurd gegund,  
Jao, waat duisse,  
jao, waat duisse dan?  
Wae wet wie 't morge geit,  
dus pak 't noow heej  
Want as 't drek euverweit,  
dan is 't veurbeej,  
En dan löp d'r, iërluk waor,  
Emus anders mei vandoor,  
Jao, waat duisse,  
jao, waat duisse dan!!

**Couplet**

Mien ome woord gevraog um prins te waere,  
Dao beeje zien stamkroeg hadde ze um hiel erg gaer,  
En wie mien tant begôs te protestere,  
Toen dreide hae d'r gaar neet lang um haer:

D'n dokter zag, doot röstig aan met drinke  
Dus aan d'n tap heel ik mien mundje netjes dich,  
Maar ja, dae kastelein waas eine linke  
Dae zag meteen, daen iërste is van mich:

Wie alle brudjes weer door Venlo leepe,  
Dach ik: maar deze boerebroelof blief ik braaf  
Dao had d'r ein 't gans op mich begrepe,  
En kwaam met aoep errem op mich aaf



## 7 Limburg laeftj met de Vastelaovundj

**Gezônge door:** RONALD & CARIEN  
**Plaats :** Weert  
**Teks :** Robert Jansen  
**Componis:** Ronald Moonen

**Refrein**

Limburg laeftj mét de vastelaovendj  
Limburg laeftj mét di-j daag weer op,  
vande mêrge tot d'n aovendj  
stieët heej alles oppe kop.  
En de locht és gevöldj mét lidjes,  
alles weurtj heej weer opgefleurdj  
want de herte vanne minse,  
zeen noow roeëd-gael-greun gekleurdj

**Couplet**

't Hingtj weer inne locht, d'r és wat machtigs aanne hând  
't vastelaovendjvirus zitj weer in 't Limburgs lând  
Vae zeen de minse straole, kiek 's wat e schoeën gezicht,  
vae laewe wi-j de wîndj os wejtj, vae veule os zoeë licht  
Oeëze wîntjerslaop dae és vörbeej  
en kiek noow toch 's heej.

En kiek 's um dich haer, waat zeen de minse schoeën verklédj  
mét klédjes, jeskes, hoedjes , pruûke, schmînk en gekkigheid.  
En ouch de muzikânte; zeen mét mieër of hieël allein.  
D'n eine zingtj, d'n ângere bleusj of hawtj de tamboerein  
Want d'n hieële stoet tréktj weer vörbeej  
en kiek noow toch 's heej

Dit veultj zoeë geweldig,  
wi-j e wêrm nést,  
en ein dînk weît ich zeker:  
dit és Limburg op zien bést.

## 8 Limburg ein

**Gezônge door:** MARCTHOLEN  
**Plaats :** Geleen  
**Teks :** Lilian Steps  
**Componis:** Ronald Claessens

**Refrein**

vastelaovend hiej in limburg  
brink os allemaol biejein  
van Parkstad tot de Peel  
tot aan de Westelijke Mijn  
wo se bèes gebaore  
oppe Ruiver of Mesjtreesch  
zoogs se oppe Mokerhei  
doew 't allereësje leech  
os Modermaas drif Limburg  
in ,t midde wied oetein  
mer de blauwe sjuut die brink dich  
noe van Venlo zoa nao Sjtein  
Limburg allein, dat is toch wat ich wil  
mit vastelaovend viere is d'r gein versjil

**Couplet**

besjtel ich mich ein pilske  
dan krieg ich ein glaas beijer  
en hób ich vastelaovessjpas  
dan maak ich gaer plezeijer  
al roop veer zelf al jaore  
veer heüere neet biejein  
van't Vriethof tot de Zoepkoel  
gans Limburg same ein

ein nuje herindeiling  
die geit dich aan dien hart  
d'r kènt gaaroets niks tippe  
aan dien aller eige sjtad  
mer wille die dao baove  
os Limburg aan de jas  
dan pakke veer os same  
dat kump os good van pas

es chauvinis gebaore  
mit ein vastelaoveshart  
dat klopp veur ein klein dörpke  
of veur de groate sjtad  
't versjil zit 'm al jaore  
in os eige dialek  
al versjtaon veer os neet ummer  
toch sijnap veer os direk



[illegible][illegible]

## 9 't Allersjunste

**Gezônge door:** BEDANKT & ADIEJE  
**Plaats :** Gulpen  
**Teks :** Arno Op den Camp  
**Componis:** Arno Op den Camp

**Refrein**

't Sjunste blaad dat is 'n deenblaad.  
D'r sjunste haan sjeet op de tap.  
D'r sjunste toch dat is, d'r optoch, toch  
D'r Sjunste kater geet op sjtap  
't Sjunste vaat dat is ee beervaat.  
D'r sjunste schlager ee gedich.  
Mer 't allersjunste, jao 't allersjunste,  
't allersjunste dat bis dich.  
Mer 't allersjunste, jao 't allersjunste,  
't allersjunste dat bis dich.

**Couplet**

't Sjunste pekske kump neet mit de pos.  
Ver bewaeg neet, mer hōbbe waal gehos.  
't Sjunste broen café is road, geal, greun.  
En de boeteviering is boete-geweun.  
Mer kiek veer och ins ierlek um os heen.  
Dan is d'r toch mer ee dink wat veer zeen.

Mer 't aller, allersjunste kinsten zeen.  
kiek mer mit de vastelaovend um dich heen.

## 10 Ónger dat läögske sjmink

**Gezônge door:** DE GELIËNDE  
**Plaats :** Hulsberg  
**Teks :** Maurice Pluijmakers  
**Componis:** Jos Gijzen

**Refrein**

Ónger dat läögske sjmink... dao zit 'n lekker dink.  
Ich bin betouverd door dae leve lach  
en diene ougopsjlaag haet mich volledig in zien mach.  
Ónger dat läögske sjmink... dao zit 'n lekker dink.  
Ich sjtreel veurzichtig wat ich sjtrele maog  
en puèn dien muulke dat 'n muulke vraog.

**Couplet**

Mit vastelaovend lièrde veer ós kinne,  
dien köpke waar 'n ware kleureprach.  
Dien ech gezich mós ich mich mer verzinne,  
meh ich voolt dat ich verleeft woort op verdach.  
't Saoves wie de sjmink woort afgewesje,  
ontsjpon zich 'n geweldig gave sjoet.  
Toen vele mich de ouge oet de tesje  
en zeelsgelökkig sjrièfde ich 't oet:

Noe sjteis te dèkker oere veur de sjpegel  
en meins te da-s te gans mós opgesjmuk.  
Toch maak 't dich neet sjoaner in de regel,  
die laklaag sjat, die brink toch gein gelök.  
Mit vastelaovend maogs te dich nog sjminke,  
dan seert 't dich, die kleurkes op dien vel.  
Meh door 't jaor hoof ich neet lang te dinke,  
dan zeen ich dich 't leefste naturel.



## 11 Tot volgend jaor

**Gezônge door:** SPIK EN SPAN  
**Plaats :** Susteren  
**Teks :** Niek Dirkx  
**Componis:** Niek (& Jo) Dirkx (& Huijnen)

**Refrein** Tot volgend jaor,  
de vastelaovend is gedaon  
Tot volgend jaor,  
jao deze prins lieët sjtil ein traon  
Tot volgend jaor,  
den sjtaon ich hiej weer zonger vaer  
Mer het is waat het is,  
ich weit noe waat ich mis  
Ich höb de vastelaovend gaer

**Couplet** Het is daensdigen-aovend  
dit woor vastelaovend,  
de sjiekste dae ich ooit höb belaeft.  
Tot prins oetverkaore,  
det wou ich al jaore;  
ich höb mienen druim noe gelaef.  
En noe ich hiej sjtaon,  
mit mien vrunj mit mien vrouw,  
Is d'r hiej nog ein sjtökske  
waat ich veurlaeze wou  
  
Zo'n 2 maondj geleje,  
nao de zaal haer gereje;  
vol sjpanning achter het dook....  
Miene scepter gevat en ein patsj opgezat;  
I e blaad, van mien prinse book  
Verhaole die kome,  
mien book vólde sjnel  
en noe dit leste gedichske  
op dit leste vèl

Tot volgend jaor,  
daag traone, träöte, dikke trom  
Tot volgend jaor,  
den höb ich gein medaalies om  
Tot volgend jaor,  
den sjtaon ich hiej weer zonger vaer  
Mer het is waat het is,  
ich weit noe waat ich mis  
Ich höb de vastelaovend gaer.  
Tot volgend jaor

Van den optoch genaote  
wie der trog door de sjtraote  
mit sjtraolende luuj langs de kantj.  
Ich hoag op de waage,  
wie op henj rondj gedraage  
Es prins van mien Limburgse landj.  
Mer noe ich hiej sjtaon  
mit mien vrouw en mien vrunj.  
wil ich eigelik doorgaan  
nog ein letste runj

De sjtad is verlaote,  
mien book is gesjlaote,  
mien pak geit truuk in de kas  
Mer waat woor het toch sjoan  
en waat woor het toch sjiek,  
die gedachte die hauwt ich vas

## 12 Vandaag!

**Gezônge door:** W-DREEJ (Hay Wilders, Quinn Warmerdam en Christel van Rijn)  
**Plaats :** Venlo  
**Teks :** Quinn Warmerdam  
**Componis:** Quinn Warmerdam

**Refrein** 't-Is vandaag unne daag,  
Dae veur ôs en ôg dreej döbbel diek is geslaag.  
Want al ut gooje kump vandaag veur d'n daag.  
Strakkes lekker nao bed.  
Oétgeslaope, auge aope en opgelet!  
De niejen daag dae wuurt nog vetter dan vet!  
De vastelaovend is veur ôs je van het  
(De vastelaovend is miér dan det!)

**Couplet** Waat is ut fantastisch, det dit heej besteit  
En det ut noow ouk nörgers anders mier um dreit.  
En vraemde dinke: "Waat is dao toch aan de hand?  
Dae gekke vastelaovend in det limburgs land.  
Ut geit beej ôs al jeuke, as ut woord al klink.  
Weej zeen de vastelaovend as ein groeëts geschink.  
En geisse ut belaeve, maak d'r dan wat van.  
Alles en ouk idderein is in de ban,  
Van waasse neums ein festijn,  
Van alle bônte kleure beejein.

Dit is ein kedoo-tje, waat ein gooje sfeer,  
En uig ens waat ein leuke minse um dich haer.  
Waat ein enthousiasme, idderein duit bleij  
Want huur 's det gejubel op dees melodie  
Weej pakke noow duchtig oét  
Met stampefoon, de trôm en de toét

Wae kan garandaere det ut morges wuurt,  
Net zoë wie vandaag, precies zoë wie ut huurt?  
Tja, ik weit ut zeker, morges wuurt ut top!  
Weej goeije d'r gewoën ein schöpke baovenop  
Dus wie vandaag wuurt ut neet...  
Nae, baeter nog! As ut aan ôs leet!



### 13 Is hiej `n plaetske vriej?

**Gezônge door:** OH JEIJ!  
**Plaats :** Reuver  
**Teks :** Jac Linssen  
**Componis:** Jac Linssen

**Refrein**

Is hiëj `n plaetske vriëj?  
En kenne veur d'r hiëj nog biëj?  
Veur make ós waal klein,  
En kroépe doewn biejein,  
Den is d'r zellufs plaats veur drij.  
Iers beer,  
huur ich den weer,  
As ich den roop "kóm, ich trakteer".....  
Den weit ich hiél besjilis,  
det hiej nog ruümte is,  
Veur eine maeter beer!!

**Couplet**

Veur waare aan de late kantj,  
Ós sjtamkefé waar vol,  
Ich dach: "wat is hiëj aan de handj".  
De rame sjtóng bol.  
En wiej ich toen dao binne keek  
En al det volk dao zoog.....  
Toen leep ich noa ein taofel haer,  
En wétse wat ich vroeg:

De Prins en auch de raad van elf,  
Die brachte ein bezeuk,  
De miense sjove aan de kantj,  
Die vónge det waal leuk.  
En idderein sjtóng ziej-aan-ziej,  
Det goof ein werm geveul,  
De Prins sjtóng oppe taofel,  
en de res zóng oppe sjteul:

### 14 D'r Prinsepappa-razzi

**Gezônge door:** PAUL & LEO  
**Plaats :** Heerlen  
**Teks :** Paul Münstermann, Leo Keularts  
**Componis:** Paul Münstermann

**Refrein**

Joa, joa, joa,  
kiek ins noa 't vuëgelke  
Lach nog ins, da sjtees-te sjun d'r óp  
Kiek ins noa 't vuëgelke  
Jóng, zet dich d'r sjtieëk ins óp d'r kop  
Joa, joa, joa,  
kiek ins noa 't vuëgelke  
Noe haot dich sjtil, da zoem ich óp dich  
En zou 't zieë dats-doe mesjiens neet plekke blies  
Da kleëf ich dich Esjgoonsdig werm d'r-i

**Couplet**

D'r Prinsepap hat inge nuije kamera  
D'r zoeën is Prins, doa houw heë va gedreumd  
Noe knieps d'r Pap al wat 'm vuur de zoemlens kump  
En weëd al Pappa-razzi geneumd  
Al ergert 't d'r President, heë huët d'r noeëts mit óp  
D'r Elveroad truk allewiel ing tuut uëver d'r kop  
Me kint zich ginne drinke, of d'r Pap deë sjteet d'r bei  
Zelfs went me óp 't húske zit, da huët me zienge sjrei

Mit al dat flitse is 't of d'r bliets i-sjeet  
Bis dat 't dónnert: "Noe is 't gedoa  
Die brankpunt is ós koakpunt, 't is sjeetingstied  
Noe lieët-se dat sjtatief gevelles sjtoa"  
D'r Pap is ópgelane, mè zieng batterei is leëg  
En went heë nog ins kniepse deed,  
da kriet-e hendig sjeëg  
Doa sjteet d'r Pappa-razzi mit ee tsemlich lank gezich  
D'r Pap is neet bewoage,  
ne, heë is uëverblich

Noe hat d'r Pap d'r kamera verkoch  
aa d'r Nónk Pièrre  
D'r Pap, deë zoeë geer kniepse doog,  
hat noe inne volière



## 15 Wakker waere!!

**Gezônge door:** ROBERT BUCKX  
**Plaats :** Berg a/d Maas  
**Teks :** Frank Dullens  
**Componis:** Frank Dullens

**Refrein**

Wakker waere, wakker waere, wakker waere,  
wakker waer ich hiej toch zoa gaer,  
Mit dae sjeike, sjeike vastelaovend,  
feas ich lekker door de wekker haer,  
Wakker waere, wakker waere, wakker waere,  
wakker waer ich hiej toch zoa gaer,  
't is allein allein mit vastelaovend,  
dat ich 'm mit de easte botram sjmaer!  
Ein drierjwerf alaaf.....  
waor de ochtendgimnesjiek  
knatschj boem paaf,  
op sjlaag weer energiek!  
Wakker waere wakker waere, wakker waere,  
wakker waer ich hiej toch zoa gaer

Wakker waere wakker waere, wakker waere , wakker waer ich oet dae sjoap,  
Jao allein, allein mit vastelaovend, gaon bie mich de auge aop!!!

### Couplet

Ich-ken eine miensj dae geuf niks om vastelaovend  
Jengelt lever van jo-de-la-hietie,  
Mer ziej die skieje die misse get vanaovend,  
Nurges sjniet 't confetti zoa wiej hiej,  
Dus ich zeng taegediej diej 'm paere,  
wakker waere, ...heij wakker waere!!

Dan in bed, druim ich van dansmeniekes,  
En hermeriekes, 't löp mich ram doerein  
Zeng van gelök, zoalang ester meziek is  
Tösjedoor effe trööte op 't plein  
Dan reup mien vrouw: "sjtangk 's op, wesje, sjaere  
Wakker waere, heij wakker waere!!"

Nao Esjgoodsdig, gans gooj herinneringe  
Op kantaor get saai, get suf en sjor  
"Tillefoon!!", och laot mer tringelinge  
Wazige windows oppe monitor,  
Door dae waas huer ich kwaod de baas blaere,  
"Wakker waere, heij wakker waere!!"



## 16 Wat deiste??

**Gezônge door:** DUO X-ELLE  
**Plaats :** Maastricht  
**Teks :** Noël Fabry  
**Componis:** Raymond de Pauw

**Refrein**

Wat deiste?  
Wat deiste?  
Es vastelaovend kietelt in de maog  
Boe geiste?  
Boe geiste?  
Es hermeniekes speule mèt die daog.  
Daan springste!  
Daan springste!  
De dikke zjiem geit weer veurop.  
Wat zingste?  
Wat zingste?  
Gans Limburg steit op ziene kop!!

### Couplet

De naober vaan heineve heet e good idee gehad:  
Heer heet ziech 'ne tapkraon in de kinderkojts gezat  
Noe löp heer door de stad en späölt veur kastelein  
'n Ganse struip verkleiers sprink noe achterein  
En aaventouw bleif heer eve stoon  
en reup: "Laot goon ! 't is nog neet gedoon...!!!"



## 17 Gaef dae man-der-eine

**Gezônge door:** SJAPOO  
**Plaats :** Kessel-Eik  
**Teks :** Marij Gijsen-Verkoelen  
**Componis:** Marij Gijsen-Verkoelen

**Refrein**  
 Refrein: Noe kiek uns dao wat unne fijne  
 Kom gaef dae man der reine  
 Noe kiek ins dao wat unne fijne  
 En doot die angere der auch maar eine  
 Vastelaovesvitamine, jao die haoje fit  
 En ut is zoe lekker zoe lekker as der hiel veul pit in zit  
 Hé dich! Ich ving dich unne fijne  
 Kom gaef gaef gaef dae man der eine

**Couplet**  
 Vastelaovend viere, det wet idderein  
 Duisse lever same, lever same as allein  
 Geisse met de sjilder, det is zo'n sjoen portret  
 Of lever met de juffrouw die good oppe kleintjes let  
 Nae ich ich gaon ut leefste met de grunteboor  
 Want dae reup de ganse vastelaovend door....  
 He he he

Vastelaovend viere, det is hiel gezondj  
 Alles wasse huurs en zuus kumt vers van eige grondj  
 Kiek die kleine sproete hosse door de zaal  
 En zelfs de allerzoorste priej wurdt hiej nach muzikaal  
 Daorum gaon ich zoe gaer met miene grunteboor  
 Want dae reup de ganse vastelaovend door  
 He he he

**Brug:** Mer eine is auch mer allein  
 Det is dus is niks gedaon  
 En idderein dae wet desse op ein bein neet kens staon  
 (kom mer kom mer kom kom kommer!!!!)



## 18 Esse mer sjpas has!

**Gezônge door:** TRIO 046  
**Plaats :** Sittard-Geleen-Born  
**Teks :** Ben Erkens, Thei Wessels  
**Componis:** Ben Erkens, Thei Wessels

**Refrein**  
 Esse mer sjpas has!  
 Esse mer sjpas has!  
 Want de sjoanste kleierdrach  
 is diene eige sjaterlach  
 Esse mer sjpas has!  
 Esse mer sjpas has!  
 Wurt mit vastelaovend euvral gezag  
 Van dat sjöddeboeke sjprènge dich de dieke  
 Laot de luuj mer kalle, laot ze nao dich kieke  
 Esse mer sjpas has!  
 Esse mer sjpas has!  
 Löpste drie daag effe lekker oet de pas

**Couplet**  
 (Zittesj)  
 Oppe kop 'ne bloumespot.  
 Diene jas haet flink de mot  
 En dien vaan die is topzjwaor  
 Pas dien patsj neit door de deur.  
 Dreegste al echtesjte veur  
 Knallend rood zo kleurt dien haor  
 Is dien kammezaol gesjeurd pès in de naod  
 Jóng, dat maak niks oet,  
 dat kènt toch gaar gein kaod!

(Bors)  
 Mer noe kiek 'ns effe hie:  
 Wat löp Limburg sjoan d'rbiej  
 Kakelbóntj dans jederein  
 In de vastelaovestied alle zörg weer effe kwiet  
 Veer versjtaon ós óngerein  
 Dan wurt hiej gemaete mit 'n anger maot  
 Lekker gek doon luuj,  
 dat kènt toch gaar gein kaod!

(Gelaens)  
 Hóbste in dien träöt ein deuk  
 of 'n pruuk die beëstig jeuk  
 Löp de verf dich langs dien sjoet  
 Bèste al 'n bietje teut en al brènne dich de veut  
 Bruk 't zjweit dich waal 'ns oet  
 Is dien soppekleid versjlete pès d'n draod  
 Meid, dat maak niks oet,  
 dat kènt toch gaar gein kaod!



## 19 Ut is toch wât!!!

**Gezônge door:** DE TODDEZEK  
**Plaats :** Grubbenvorst  
**Teks :** Rene Verschueren  
**Componis:** Rene Verschueren

**Refrein**

Ut is toch wât  
ik zit wir krap  
Ik hâj ut op de greuj gekoch  
Zeker wir beej de verkiërde maot gezôch  
Ut is toch wât  
ik zit wir krap  
dât wug mich toch wal zwaor  
wânt ut gebeurt mich elk jaor

**Couplet**

Idders kiër dân staon ik wir te zweite  
Môt ik wir gaon passe in zo'n hok  
Ut nädje vâ de kous wil ik now weite  
Want niks kriëg ik nag euver miene kop

Te kald ôf te heit gewasse  
Wie kân dae knômmel mich inens now nimmer passe

Staon ik in de speegel dân te kiëke  
Zwaore knäök, mâr zeker ni te diek  
Mâr âs-se op ut vurrig jaor wils liëke  
maak dân de kleijer mâr vâ elastiek

te kald ôf te heit gewasse  
wie kân dae knômmel mich inens now nimmer passe

**LVK steunt Haïti.**  
**Vastelaovendvierend Limburg**  
**laat zich van zijn beste kant zien.**

## Help slachtoffers aardbeving Haïti!

Haïti is getroffen door een zware aardbeving. Er zijn duizenden slachtoffers, de schade is enorm. Uw hulp is hard nodig. Maak nu uw gift over.



**Giro555**  
Den Haag

**SAMENWERKENDE  
HULPORGANISATIES**  
[www.giro555.nl](http://www.giro555.nl)


Tijdens de LVK-finale wordt door collectanten geld  
ingezameld voor de slachtoffers aardbeving Haïti.



## Euverzich Winnaars 't Limburgs Vastelaovesleedjes Konkoer

| JAOR | PLAATS      | TITEL / TEKSDICHTER                                                             | COMPENIS                      |
|------|-------------|---------------------------------------------------------------------------------|-------------------------------|
| 1977 | Mestreech   | <b>Vaan Eysde tot de Mokerhei</b> , B. Salden                                   | J. Innemee                    |
| 1978 | Oppe Ruiver | <b>De zaagte geej</b> , A. Wassen                                               | J. Theelen                    |
| 1979 | Gelaen      | <b>Dan kal ich plat</b> , B. Erkens/T.Arts                                      | B. Erkens / T.Arts            |
| 1980 | Zitterd     | <b>De beierheering</b> , H. Wijnands                                            | H. Wijnands                   |
| 1981 | Remunj      | <b>De vastelaovend heurt bie Limburg</b> ,<br>N. Reijners                       | N. Reijners                   |
| 1982 | Guttecoven  | <b>Zoa moosj 't kenne blieve</b> ,<br>G. Steinen/J. Wauben                      | G. Steinen/<br>G. Wauben      |
| 1983 | Gelaen      | <b>Mie Limburgs blood</b> , M. Zijlstra-de Loo                                  | B. Erkens                     |
| 1984 | Meerssen    | <b>Dao moste mèt ljerre léve</b> , L. Volders                                   | L. Volders                    |
| 1985 | Gelaen      | <b>Hawt 'm vas de vastelaovend</b> ,<br>J. Ridderbeekx                          | B. Dijks                      |
| 1986 | Mestreech   | <b>Jao heij in Limburg</b> , J. Duchateau                                       | J. Duchateau                  |
| 1987 | Linne       | <b>Wiebölle</b> , P. Evers                                                      | J. Evers                      |
| 1988 | Venlo       | <b>Minse wie wee</b> , F. Boermans                                              | G. Aerts                      |
| 1989 | Venlo       | <b>De knappe(rikke)</b> , F. Boermans/G. Aerts                                  | F. Boermans/G. Aerts          |
| 1990 | Gelaen      | <b>Ich tik neet richtig</b> , M. Zijlstra-de Loo                                | B. Erkens                     |
| 1991 | Venlo       | <b>Det is ein joekskepel op joets</b> ,<br>S. Maaskant                          | J. Jacobs                     |
| 1992 | Venlo       | <b>Waat hebbe we 't toch good</b> ,<br>F. Boermans/G. Aerts                     | F. Boermans/<br>G. Aerts      |
| 1993 | Tegelen     | <b>'nne Late</b> , P. van den Akker                                             | P. van den Akker              |
| 1994 | Venlo       | <b>Heej of dao</b> , G. Aerts                                                   | G. Aerts                      |
| 1995 | Horst       | <b>De ganse santekraom</b> , C. Kuipers                                         | T. Kleeven                    |
| 1996 | Mestreech   | <b>Drejje !!</b> , U. & B. Garnier                                              | U. & B. Garnier               |
| 1997 | Venlo       | <b>Had ik maar</b> , F. Boermans                                                | J. Gubbels                    |
| 1998 | Ulesjtraote | <b>Opzie, Opzie, Opzie</b> , G. Jacobs                                          | G. Jacobs                     |
| 1999 | Mestreech   | <b>Iech höb diech weer gevoonde!</b> ,<br>Bert & Ursula Garnier                 | Bert & Ursula<br>Garnier      |
| 2000 | Venlo       | <b>Josefien</b> , Wim Roeffen & Frans Boermans                                  | W. Roeffen                    |
| 2001 | Oppe Ruiver | <b>Good geammezeerd</b> , Ar(nol)d Wassen                                       | Ar(nol)d Wassen               |
| 2002 | Gulpen      | <b>Wie d'r Herrgot Limburg had gemaak</b> ,<br>Ben Erkens                       | Ben Erkens                    |
| 2003 | Venlo       | <b>Dèh dan, dao isse</b> ,<br>Peter Jansen en Wim Janssen                       | Peter Jansen<br>Wim Janssen   |
| 2004 | Heële       | <b>Tweemaol aafgezeëg (en nog te kót)</b> ,<br>Paul Münstermann en Leo Keularts | P. Münstermann<br>L. Keularts |

|      |          |                                                                |                  |
|------|----------|----------------------------------------------------------------|------------------|
| 2005 | Bor      | <b>Wat zaeter?!</b><br>Paul Heffels, Frank Dullens, Ben Erkens | Ben Erkens       |
| 2006 | Lömmerig | <b>Dat zit bie ons in de familie</b> Guus Steinen              | Guus Steinen     |
| 2007 | Grevors  | <b>Heej bliëf ik plekke</b> René Verschueren                   | René Verschueren |
| 2008 | Venlo    | <b>De Kriebels</b> Frans Pollux                                | Frans Pollux     |
| 2009 | Grevors  | <b>Ni miër en ni minder</b> Rene Verschueren                   | Rene Verschueren |
| 2010 |          | ?????                                                          |                  |



## Sjponers van het LVK 2010 in Thoeear

**Linisol Group BV Nuth**  
**Gemeente Maasgouw**  
**Plus Schulp en Maasbracht**  
**Rabobank Maas en Leudal**  
**Autoservice Ittervoort**  
**Bakkerij Joost Snijders Stramproy**  
**Friture "t Hemeltje" Thorn**  
**Van Heugten Parket Thorn**  
**Adams Muziekcentrale Ittervoort**  
**Vevon Verkeersmaatreg. Wessem**  
**Café-Zaal "D'n Ingel" Thorn**  
**Bakkerij Housmans Thorn**  
**Paul Corstjens Thorn**  
**Adm/Ass. Kant. B. Zeegers Thorn**  
**Cafe-Zaal "Aod Thoeear" Thorn**  
**Speessen Wegenb. BV I'voort**  
**Grandcafé "t Stift" Thorn**  
**Couwenbergh Aanneming BV**  
**Pannekoekenbakker Thorn**  
**De Grote Hegge Thorn**  
**Ton Blomen Steigerbouw Thorn**  
**Notaris Smits Thorn**  
**Parren Houthandel Thorn/R'mond**  
**Wijngoed Thorn**  
**Pannekoekenbakker Brüggén (D)**  
**Constructiebedr. H. Forselen I'voort**  
**Parren-Tulkens Bloemisterij Thorn**  
**Hefgra Ittervoort**  
**Frenken Kwaliteitsslager Thorn**  
**Lima Heftruck Service BV I'voort**  
**Pannekoekenbakker Maaseik (B)**  
**Mooore Interieurs Meers**  
**Bad & Tafel Thorn**  
**Bloem Civieltechniek BV Panheel**  
**Hago Nederland**  
**Heuts Automaterialen Hoensbroek**

**P. Wolter & Zn Thorn**  
**Bex Machinefabriek Wessem**  
**Brasserie "t Brook" Thorn**  
**Janssen Logistics I'voort**  
**Strebo Truckwash Ittervoort**  
**Slabbers Timmerwerken Linne**  
**Bed & Botram Bie Ôs Thorn**  
**Gulf**  
**Adm. Kant. H. Nelissen Thorn**  
**Drukkerij Tonnaer Kelpen**  
**Spar Vaes Thorn**  
**Houben Mediatechniek R'mond**  
**Trompetter/Maasgounieuws**  
**Maaslandreiniging Haalen**  
**Verkeersschool Ton Geelen Thorn**  
**Mr. Present Swalmen**  
**Bruin Café "De Zonnewijzer" Thorn**  
**Huiskamer van Thorn**  
**Har Versteegen Schilderw. Thorn**  
**Wijnhandel Brulet Thorn**  
**Taxi Horn/Horn Tours**  
**Berkvens Tentenverhuur Horn**  
**ITH Techniek Heerlen**  
**Pro-Visie Webdesign**  
**Diervoeders J. v/d Boel Thorn**  
**Lei Martens Tegelwerken Meers**  
**Kapsalon Angelique Thorn**  
**Lindeboom Brouwerijen**  
**Forellenvijver Heioord Neeritter**  
**Drogisterij Thorn**  
**Hotel La Ville Blanche Thorn**  
**Kookstudio Thorn**  
**Restaurant "De 3 Kronen" Thorn**  
**Bo-Tek Stein**  
**Engelen Hekwerken Maasbracht**



Wae bedanke oos sjponers:



GEMEENTE  
MAASGOUW.



Rabobank  
maas en leudal



STEIGERBOUW  
TON BLOMEN





DRINK OP DE TOEKOMST

